

. unitriS šumai ušumaihun d halin nišmata bit hiia . binia mai lmai iatibna
 ana hu danukt sipra hakima d aspar diuta d alahia `utana giutana rbutana d `tlh
 lmarh d baita bbaith ulqašiša bbiniana bhikla `laiia ubbath titaiia halin siprai
 l`dai rmilh uaspar dukranai ltrin draiia ana bspirai hadtia hagina ubhatiqia
 haiaš uparašna umitaprišna ldhuat uldhauia uldmihuia baiia uatia diSai zuTa
 lqudamai npalia ptahtia uhaginabia hu zuT upugdamia rurbia umalalia
 mzarpilh ubahiš b`ubdanh `laiia uamar `ka hiia d hun mn laqadmia u`ka kušTa d hua
 mn qudam briša `ka ziua u`ka nhura `ka muta u`ka hiia `ka hšuka u`ka nhura `ka
 T`ia u`ka šrara `ka hbila u`ka biniana `ka mhita u`ka asuta `ka gabra iatira
 d qašiš mn qudam d bania `šumia uarqa hu uamar dinanukt mn diSai zuTa mitap rašna
 uamarna alia hinun hiia d hun d mn laqadmia `lia hu kušTa d hua mn qudam briša `lia
 hu ziua lia hu nhura lia hu T`ia lia hu šrara lia hu hbila lia hu biniana `lia
 h` mhita `lia h` asuta lia hu hazin gabra iatira d qašiš mn qudam d bania
 `šumia uarqa hua unsabtia ldiSai zuTa ubnura qlaith binh mai lmai iatibna ana hu
 dinanukt sipra hakima d aspar diuta d alahia `utana giutana rbutana d `tlh lmarh
 d baita bbaith ulqašiš bbiniana bhikla `laiia ubbath titaiia halin siprai
 l`dai rmilh uaspar dukranai ltrin draiia bsiprai hadtia hagina ubhatiqia
 mitaprišna haiišna uparišna umitaprašna ldhuat uladhauia uldmihuia baiia uata diSai
 zuTa qudamai npalia ptaht uhaginabia hu zuT upugdamia rurbia umalalh
 mzarzapilh ubahiš b`ubdunh `laiia uamar `ka hiia d hun mn laqadmia u`ka kušTa d hua
 mn qudam briša `ka ziua `ka nhura `ka muta `ka hiia `ka hšuka `ka nhura `ka
 T`ia `ka šrara `ka hbila `ka biniana `ka mhita `ka asuta u`ka gabra iatira d qašaš
 mn qudam d bania `šumia uarqa hua uamar dinanukt mn diSai zuTa mitaprišna
 uamarna lia hinun hiia d hun mn laqadmia `lia hu kušTa d hua mn qudam briša
 `lia hu ziua `lia hu nhura `lia hu muta `lia hu hiia `lia hu hšuka lia hu nhura
 `lia hu T`ia `lia hu šrara `lia hu hbila lia hu biniana `lia h` mhita `lia h`
 asuta `lia hu hazin gabra iatira d qašiš mn qudam d bania `šumia uarqa hua
 unsabth ldiSai zuTa ubmia Tmašth ubinia mai lmai iatibna ana hu dinanukt
 sipria hakima d aspar diuta d alahia `utana giutana rbutana d `tlh lmarh d baita
 bbaith ulqašiša bbiniana bhikla `laiia ubbath titaiia halin siprai l`dai rmilh
 uaspar dukranai ltrin draiia bsiprai hadtia haginabh ubhatiqia
 mitaprišna d haiašna uparašna umitaprašna ldhuat uldhauia uldmihuia baiia uata
 diSai zuTa lqudamai npalia ptaht uhaginabh hu zuT upugdamia rurbia
 umalalh mzarpilh ubahiš b`ubdunia `laiia uamar `ka hiia d hun mn laqadmia `ka
 kušTa d hua mn qudam briša `ka ziua `ka nhura `ka muta `ka hiia `ka hšuka `ka
 nhura `ka T`ia `ka šrara `ka hbila `ka biniana `ka mhita `ka asuta `ka gabra
 iatira d qašiš mn qudam d bania `šumia uarqa hua uamar dinanukt mn diSai zuTa
 mitaprišna uamarna `lia hinun hiia d hun mn laqadmia lia hu kušTa d hua mn rudam
 briša lia hu ziua lia hu nhura lia hu muta `lia hu hiia lia hu hšuka `lia hu
 nhura `lia hu T`ia lia hu šrara lia hu hbila lia hu biniana lia h` mhita `lia
 h` asuta `lia hu gabra iatira d qašiš mn qudam d bania `šumia uarqa hua unsabth
 ldiSai zuTa qudamai atnait mn Tulalia Sipra ualma `l puraria rurbia d paina
 uatat `uat ruha d qudša bškintai qaimalh uamralh mahu šakbit dinanukt umahu šinta
 hnatalak anahu hiia d hun mn laqadmia ana hu kušTa d hua mn qudam briša ana hu ziua
 ana hu nhura ana hu muta ana hu hiia ana hu hšuka ana hu nhura ana T`ia ana hu
 šrara ana hu hbila ana hu biniana ana h` mhita ana h` asuta ana hu gabra iatira
 d qašiš mn qudam d bania `šumia uarqa hua habrai bmalkia laiit taga bmalkutai
 ulaiit kul `niš br anašia d paršagna nitilh brpilh d hšuka uata din mlik
 `utra uripsia rmilh ldinanukt bpagria umn pagr mapaqh ziqia ziqia nasbilh
 ldinanukt `udamia mdabrilh siblia siblia sablih uldirgia masqilh asiq aqmuia
 lmaTarta d nbaz haila d marh d hšuka sadana rba d arqa kursia lhalta d tibil rmilh
 uligria matnalh l`ubdunia titaiia ulkulhun iamamia šapulh mgarglh alip alip
 uruban ruban Taiuta mšamšilh uamar ana hu d hzaith `mrit d ghun u`sgudlh

u'mta qumtai u'saba ulašabiqlh din mlik `utra d minai aluia uamarlh lman
 sagdit dinanukt ulman mahtit qumtak umšabit kd hiia rbia qadmaia ubit abu rba
 qadmaia qudamak hu ziqia ziqia nasiblhdinanukt `damia `dania mdabrilh siblia
 siblia sablilh uldirgia masqilh asiq aqmuia lmaTarta d zan haza zban zraz hliS
 mlik rugza taqipa hbila kursia l bab šumia rmlh `l ganaba amarlh gnuv ulmarh
 d baita amarlh ašar uqum lganaba ldbar gaTla ulmarh d baita ldbar husrana alip alip
 qaimia lqudamia uruban ruban Taiuta mšamšalh ana d hzaitia `mrit d guhun
 usgidulh u'mta qumtai u'sabh ulašabiqlia din mlik `utra d minai aluia uamarlh
 lman sagdit dinanukt ulman mahtit qumtak umšabit kd hiia rbia qadmaia ubit abu
 rba qadmaia qudamak hu ziqia ziqia nasiblhdinanukt `udamia `udamia mdabrilh
 siblia siblia sablilh uldirgia masqilh asiq aqmuia lmaTarta d `uat ruha `maihun
 d ptulia qananit `maihun d qadišia d murat d arqba gauaita d hšuka qaima šaba
 harata d lah' harata ušaba ptulata d la'tiqria ptulata kd hadiaian mgalilin usiTraiin
 primlin klil pirSa uzaniuta brišaihun matnalin nasbh libaihun d alahia unasbia
 tihaiun d bnai anaša nasbia gubria brimat d ainh u'nšia bliba pahza alip alip
 qaimia lqudamia uruban ruban Taiuta mšamšalh uamar ana d hzaith `mrit d ghun
 usigdulh u'mta qumtai u'saba ulašabiqlia din mlik `utra d minai aluia uamar lman
 sagdit dinanukt ulman mahtit qumtak umšabit kd hiia rbia qadmaia ubit abu rba
 qadmaia qudamak hu ziqia ziqia nasiblhdinanukt `udamia `udamia mdabrilh
 siblia siblia sablilh uldargia masqilh asiq aqmuia lmaTarta d himun gabra alip
 alip qaimia qudamia uruban ruban Taiuta mšamšilh ana d hzaith amrit d ghun
 usgudlh u'mta qumtai u'saba ulašabiqlh din mlik `utra d minai aluia uamar lman
 sagdit dinanukt ulman mahtit qumtak umšabit kd hiia rbia qadmaia ubit abu rba
 qadmaia qudamak hu ziqia ziqia nasiblhdinanukt `udamia `udamia mdabrilh siblia
 siblia sablilh uldirgia masqilh asiq aqmuia lmaTarta d ptahil ziu hsiur unhur psiq
 d psaq hiia mn abatraiun d hiuar rišia mn haupia mia ziqnh mn Supia d aqamra
 hiuara uamar bhailai bnaitia lbaitia ubgabaruatai taqantia taqantia lhikla `hbit
 sira lhušban almia uiahbith šamiš šamšia `l bnat anaša rbutana d labad b`dia
 ubpumia mištabh ziqia ziqia nasiblhdinanukt `damia `damia mdabrilh siblia
 siblia sablilia uldirgia masqilh asiq aqmuia lmaTarta d abatur atiqia rama
 kasia unTira mistakina hazina alip alip miqam qaimia unTira uruban ruban d mitab
 iatbia kulhun lbišia d ziua unhura mkasin klil zakuata brišaihun traSlun iatbia
 `l karsauata d niaha umištaiin bsidria umasqata ubauata kasiata mistakina
 hazina alip alip karsauata d triSia `pikia umahtia `lauaihun `uSTlia d ziua
 uTarTabunia Tabia dakiia d nhura uamar dinanukt bhanath maTarta haqit uzahat
 u'tazihit uamarlia din mlik `utra ldinanukt ia dinanukt lšaba maTarta d muta
 aditak ltmania d hbila lahaqat ulazhat ula'tazhat haka mahu d hzit uamarlh
 dinanukt ldin mlik `utra hzit alip alip miqam qaimia uruban ruban mitab
 iatbia kulhun lbišia d ziua umkasin nhura klilia d zakuata brišaihun traSlun
 iatbia lkarsauata d niaha umištaiin bsidria umsaqata ubauata kasiata hzit alip
 alip karsauata `pikia umahtia `lauaihun `uSTlh d ziua uTarTabunia Tabia dakiia
 rurbia d nhura uamar hzit hiia d hun mn laqadmia hzit kušTa d hua mn qudam briša
 uamarlh hzit muta hzit hiia hzit hšuka hzit nhura hzit T'ia hzit šrara hzit hbila
 hzit biniana hzit mhita hzit asuta hzit hazin gabra iatira d qašaš mn qudam d bania
 'šumia uarqa hua uamarlh din mlik `utra ldinanukt halin karsauata qinaTria
 lnišmata d `maihun uabuhun lahua lalip šnia naplia bšurba d aba u'ma haizak
 napqa lalma labšia bsar kd šalam kilaiun mn alma atin ulabšia `uSTlia d ziua
 umkasin TarTabunia Tabia dakiia rurbia d nhura iatbia iatbia lkarsauatun d niaha
 umištaiin bsidria umasqata ubauata kasiata uamarlh dinanukt ldin mlik `utra
 kursia dilia himnu hu amarlia din mlik `utra ldinanukt lbušak `uSTlia d ziua
 uTarTabunak rba d nhura uklilak mn ruaz gupna d lašahia ulapaiia uaTirpa minh
 lanatar uamarlh din mlik `utra `l dinanukt amarlh `zil lalma d bišia ulatra
 d kulh malkauata `zil siprak qlinun bnura uaspar dinanukt bmia Tmuš upuq lalma

qria qala d hiia utarmid tarmidia šitin šnia ušitin iahria kd šalamlak kilak atit
ulabšit 'uSTla d ziua umkasit TarTabunak rba d nhura utaurSinalak d ziua klilak
rauzia iatbit lkursiak d niaha umištaiin bsidria umasqata ubauata kasiata binia
'utria ahak bnia nhura uamarlh dinanukt ldin mlik 'utra lsqupta d bit hiia
aqapra 'kul ula'tkamar ula'zal lalma d bišia ulatra rba d kulh malkauata uamarlh
din mlik 'utra ldinanukt sakla d lahua hakima hasira d lahua iatira lsqupta
d bit hiia aqapra laklia hinila Tab akliu uruaha šailia 'tkamar 'zil lalma
d bišia ulatra d kulh malkauata lsiprak qlia bnura uaspar dukranak bmia Tmuš puq
lalma uqria qala d hiia utarmid tarmidia šitin šnia ušitin iahria kd šalamlak
kilak ath lbuš 'uSTlak d ziua u'tkasia TarTabunak rba d nhura uatna brišak klilak
rauzia uamar dinanukt pahtit ainai urimit gbinai mistakina hazina alip alip
haria d qaimia bšamša u'lai bakin uruban ruban harata d qaimia bSita d iuma
'lai mnambian ubakin uamarnalun 'zil haria d 'lai mnambian ubakin 'zil
lnapšaikun bkun harata d 'lai mnambian ubakian 'zil lnapšaikun bkun nambia ubkun
lahazitun d hzat ainai ulašmaitun d 'udnai šamat uqam dinanukt uqralh lzauh
nuraita uamarla aitiaia halin siprai qlia bnura uaspar dukrana Tmuš bmia uzauh
nuraita ašliat bqala uqihdat uamra dananukt sTa udinanukt saTia ubr malkia
hazin lau bhauna qimištaiia uqam dinanukt halin sipria qia bnura uaspar dukrania
bmia Tmuš unpaq lalma hazin qra qala d hiia utarmid tarmidia šitin šnia ušitin
iahria ušitin iumia kd šalamlia kilh ldinanukt mn pagrh npaq asqh lbaba d bit hiia
uamar dinanukt ptulia baba d bit hiia haizak putulh baba d bit hiia udalulh br guda
rba d šrara npaS albšuia 'uSTla d ziua ukasiuia TarTabuna rba d nhura uaitulh klila
mn rua gupna utraSlia briših uqam dananukt batra d hiia ubatra d kulh ziua ubatra
d kulh nhura uqam bsigia uhaila ušaba lhiia rurbia u'l iaqir utriS kiniania
d zakuata uamar dinanukt bhaza masiqta d ana sliquba nisqun unitun bgauh kulhun
naSuraiia kšiTia umhaimnia ubasimia unitarSun unqaimun bapta nhura rba
qadmaia uqaiamin hiia banhura utriS manda d hiia bzakuata uhiia zakin
lkulhun 'ubadia sa hazin hu raza usidra d dananukt
hu sa